

UDALBATZAK 2009KO ABENDUAREN 18AN EGINIKO OHIKO BILKURARI DAGOKION AKTA

Errenteriako Udaleko bilkura-aretoan, bi mila bederatziko abenduaren hemezortziko 08:35 zirela, lehenengo deialdian eta Juan Carlos MERINO GONZALEZ alkate jaunaren esanetara, ondoko zinegotziak elkartu dira:

- Joaquin ACOSTA PACHECO
- M^a del Mar CARRILLO GASCON
- Silvia ASTORGA MARTINEZ
- Jesus OFICIALDEGUI RUIZ
- Joseba ECHARTE MARTIN
- Jose Angel RODRIGUEZ MEDINA
- Mikel DURAN GONZALO
- Juan Carlos MURUA ROMA
- Luis Santiago ANGULO MARTIN
- Agustina Ana CANO CERREIJO
- Iñaki QUERALT COIRA
- Gorka MAUDES MIGELTORENA
- Maite PEÑA LOPEZ
- Venancio GRAVINA ESNAL
- Jose Manuel FERRADAS FREIJO
- Jose LEGORBURU AYESTARAN
- Lucia PERALTA RODRIGUEZ
- M^a Angeles BASTOS FERNANDEZ
- Joxe BURGOS VIÑARAS

Ez da etorri, baina ezinetorria adierazi du Itsasne ALVAREZ DE EULATE LASA andreak.

Bertan dago udal kontu-hartzaile Jose maria ARENZANA GARCIA jauna.

Halaber bertan dago, egintzaz fede emateko, Francisco Javier LESCA EZPELETA idazkari jauna.

1.- 2009ko azaroaren 16ko ezohiko bilkurari dagokion akta irakurtzea eta, hala badagokio, onartzea.

Idazkariak 2009ko azaroaren 16an eginiko ezohiko bilkurari dagokion 12 zk.ko akta irakurri ostean, Bastos andrea (PP), bilkura egunean etorri ez zelako, abestenitu da. Beste gainontzeko guztiek aldeko bozka eman dute.

2.- Ondorengo ebazpenen berri ematea: Alkatetzarenak (1604 zk.tik 1699 zk.ra, biak barne), Zinegotzi-ordezkarienak (1806 zk.tik 1938 zk.ra, biak barne) eta Tokiko Gobernu Batzordearenak.

Idazkariak Alkateak emaniko ebazpenen (1604 zk.tik 1699 zk.ra, biek barne), Zinegotzi-ordezkariek (1806 zk.tik 1938 zk.ra, biek barne) eta Tokiko Gobernu Batzarrak emanikoan berri eman du.

Udalbatza jakinaren gainean geratu da.

Jarraian,

Mintzatu dira:

* Merino alkate jaunak (Socialistas Vascos-Euskal Sozialistak) adierazi du Gai Zerrendako hurrengo puntuaren inguruan ohartarazi behar du, aurreko urtean bezala, zer egin behar zen ondo ez zekitelako edo, non ematen zen berri, etab., zalantzak sortu zirela. Hemen ere ezustekoren bat edo distorsioaren bat eman da, gaineratu du. Horrela, Hirigintza informazio-batzordean arazoak esplikatu zituzten, beste alternatibekin erkatu, arrazoiak eman, etab., baina une hartan "berri ematea" zela ulertu zen, errealitatean "onartu" egin behar zelarik, edo, hala balegokio, atzera bota. Hori ez zenez hala egin, orain, informazio-batzorde bakar batek ere ez zuelako irizpenik eman, Gai Zerrendan sartu behar dute alde zurretik premiazkoa jotzeko bozketa egin eta gero. Eta aurrera ateratzen bada, ondoren eztabaidatuko dute.

Mintzaldiak amaitutakoan.

Aldez aurretik, zegokion batzordeak irizpenik eman ez duelako, gehiengoz, aldeko 13 botorekin (Socialistas Vascos-Euskal Sozialistak, EAJ/PNV, Alkarbide, PP) eta 7 abstentzios (Ezker Batua-Berdeak, atxiki gabeko zinegotziak), sartzea erabaki dute.

Ondoren, mintzatu dira:

* Murua jaunak (atxiki gabeko zinegotzia) adierazi du eurek ez luketela inolako arazorik izango -premia izango balu-, kontua aztertzeke eta gaiaren inguruan erabakia hartzeko, baina jakin badakite programa horrek hiru hileko epea duela proiektuak zehazteko, eta pentsatzen dute oraindik badutela denbora proiektu horietaz hitz egiteko eta, beharbada, adostasun zabalago bat lortzeko. Horrexegatik asbtenitu dira.

* Merino alkate jaunak (Socialistas Vascos-Euskal Sozialistak) erantzun du, hizkera arruntean esaten den moduan, bera, epeari dagokion aferan, ez dela bere aitaz ere fio. Gainera, diru-laguntzekin zerikusia duten gai asko ditu mahai gainean, esaterako, Hiriber programa, eskolak,

etab. Gai honen alde ona da hainbat erakundeetatik aportazio asko jasoko dutela, baina lan handia izaten da eta azken orduan beti gertatzen da ezustekoren bat, aldaketaren bat edo ulertu ez den zerbait, esan du. Beraz, bada, zenbat eta agudo egin orduan eta hobe, gaineratu du. Ulertu, ulertzen ditu Murua jaunaren (atxiki gabeko zinegotzia) argudioak, baina kasu horretan ez dator bat. Eta presaz tramitatzearen alde bozkatu denez, gaia eztabaidatzera pasako dira.

Mintzaldiak amaitutakoan.

Ondoko gaia ikusi dute:

3.- Inbertsio eta gizarte ekintzetako programen zerrenda onartzeko proposamena, Enplegu eta Tokiko Iraunkortasunerako Estatu Fondoan sartzeko.

13/2009 Errege Lege Dekretua, urriaren 24koa, Tokiko Enplegu eta Iraunkortasunerako Estatuko Diru-funtsa sortzen duen dekretuak bost mila milioi euroko aurrekontua du, eta horietatik, 4.162.674€ Errenteriako Udalari dagozkio.

Arauan bertan, 9. artikuluan, ezarri dira diru-funtsa horien bidez finantzatuko diren obra-kontratuak, gutxienez 3.328.471,- €ko inbertsioa izango dutenak. Era berean, 18. artikuluan zehaztu dira zerrenda horretan sar daitezkeen gizarte ekintzetako programak, gehienez 834.203,- €ko aurrekontua izango dutenak. Hau da, Udal honi dagokion %20aren parekoa.

Udalbatzaren Osoko Bilkurak eskuduntza du zerrenda honi onespena emateko.

Kontu-hartzaileak gaiari buruz 2009ko abenduaren 14an eta 15ean eginiko txostenak ikusi dituzte.

Errenteriako Udaleko Hirigintza, Gizarte Zerbitzuak eta Hezkuntzako ordezkariak eginiko proposamenak ikusitakoan.

Eta Alkatearen proposamena ikusi ostean.

Mintzatu dira:

* Ferradas jaunak (Ezker Batua-Berdeak) adierazi du plan horrekin zerikusia duten dekretu guztiek sor diezaioketen lege-zalantzaz gainera, bera eta bere udal taldea konbentziturata daude Alkateagatik izan balitz, puntu hori ez zukeela Gai Zerrendan sartuko eta Alkatetza-dekretu bidez ebatziko zukeela. Bere iritziz, horrek erakusten die nola ulertzen duen

Alkateak plan horiek egin behar direla. Gutxien gutxieneakoak ere ez dituzte bete, ez litekeelako eztabaidatzat jo aurreko ostiralean Hirigintza batzordean gertaturikoa, ezta informazioa eman izanaz ere. Era berean, ez da informaziorik eman Hezkuntza eta Gazteria batzordean, ezta aurreko astelehenean Gizarte Zerbitzuetan eginiko batzordean ere. Horrela, uste dute Alkateak aukera guztiak galdu dituela –eta jada asko dira– akordioa Udalbatza osoarena izateko. Gauza jakina da puntua aurrera aterako dela, aldeko 13 boto dituelako, baina horixe du argudio bakarra, gaineratu du. Eurek ez dute argudio gehiagoren berririk, izan ere, ez baitu gainontzeko zinegotziek (atxiki gabekoek zein Ezker Batua-Berdeak-ekoak) eginiko proposamenak ezagutzera emateko adinako ikustaterik izan. Beraz bada, Alkateak ez diela itzarongo badakienez, bere taldeak ez du aldeko botorik emango.

* Angulo jaunak (atxiki gabeko zinegotziak) adierazi du eurek zalantza bat dutela eta Alkateari argitzeko eskatzen dio. Lehenengo programaren barruan (Parke kalea urbanizatzea) aipatzen den 10/01 jarduketa-eremuan 1.409.000 €tik gorako proiektu bat dago onartzeko, baina ikusi dute egun horretan bertan Gobernu Batzarra elkartuko dela eta hirugarren puntuan, eremu berean, proiektu baten lehen aldaketa onartuko duela. Beraz, eurek goizeko 9ak aldera proiektu bat onartzen badute, eta gero 12:30ean aldaketa egiten bada, zer egiten ari diren jakin nahi dute. Izan ere, uste baitute lehenik aldaketa egin beharko zuketela, eta gero onartu eskuartean duten proiektua.

* Merino alkate jaunak (Socialistas Vascos-Euskal Sozialistak) adierazi du bi kontu ezberdin direla. Igogailuak jartzeko proiektua ez da aldatuko, gaineratu du. Gobernu Batzarrean aldatuko dutena Errenteria Garatuzek garajeei buruz eginiko proiektua da. Eta, berriro dio, igogailuaren aferak ez duela aldaketarik exijitzen, eta horrexegatik, Hirigintza batzordean ikusi zuten bezala, dute orain onartzeko.

* Angulo jaunak (atxiki gabeko zinegotziak) adierazi du zalantzak zituztela proposamenean 10/01 eremuan azaltzen zelako. Bestalde, duela hilabete zenbait, bilera berezi bat egin zuten Udalaren egoera ekonomikoaren inguruan. Bertan kontu-hartzailea egon zen eta egoera oso zaila eta larria zela esan zuen. Gainera, zinegotzi guztiei esan zien denek itsasontzi berean zeudela eta denen artean bide onetik bideratu behar zutela. Eurek, oposiziotik ordea, ikusten dute kontu-hartzaileak egun horretan eskatu zuena ez dela betetzen. Zeren eta, Gobernu Taldeak proiektu batzuek aurkeztu baditu ere, oposiziotik ere beste zenbait planteatu dituzte, baina oposizioaren ideiak, nahiz eta ez izan txarrak, ez dira kontuan hartzen, esan du. Hortaz, badirudi itsasontzian denek egin behar dutela arraunean, baina denek ez dutela leku berera joan nahi, gaineratu

du. Bestalde, aurkezturiko proiektu-zerrendaren inguruan, eurek ez dute esaten beharrezkoak ez direnik, baina bai lehentasun-irizpen desberdinak dituztela. Gainera, hori ez da oraingo kontua, aspaldikoa baizik. Esaterako, lehenengo proiektuarekin ez datoz bat, igogailuez gain badakitelako Galtzarabordako bizilagunek Parke kale horretan pilotaleku bat egitea nahi zutela aspaldian eta ez dela egin. Badakite ez dagoela lotuta igogailuarekin, baina ikusten dute bizilagunek eskatzen dutena ez dela kontuan hartzen. Bigarren proiektuari buruz ez dute esaten puntu hori hobetzea beharrezkoa ez denik, baina, adibidez, Pontikako bizilagunek orain dela hamar urte parke bat egina behar zuten, eta oraindik ez da existitzen, nahiz eta badakiten aurreproiektu bat bazegoela. Hortaz, hor jarriko den kamera-sistema hori eurek ez dute beharrezkoa ikusten. Iruditzen zaie alferrikako dirua gastatuko dela, besteak beste, lehenik hor kamera horiek kontrolatzeko gauza bat jarriko delako eta azkenean diru gehiago gastatuko dutelako beste batzuek jartzeko, etab. Ondorioz, oposizioak aurkezturiko proiektuak sartu ez dituztenez, eta denek zentzu berean egin behar badute arraunean, uste dute euren ideiak eta proposamenak kontu hartu beharko lirakekeela. Horrezaz gain, ikusten dute jasoko den diru hori ez dela auzoka banatuko, eta eurek uste dute auzo guztiak kontuan hartu behar direla banaketa egiteko orduan. Horregatik, guztiagatik, eurek ez dute aldeko botorik emango.

* Merino alkate jaunak (Socialistas Vascos-Euskal Sozialistak) adierazi du aurrez mintzatu direnek esan dituzten gauzetatik pare bat aitatu nahi dituela. Ohiko gastuari bideraturiko diruari dagokionez, uste du kontu horrekin gasta zezaketen gutxiena gastatuko dutela. Hots, aportazio osotik %20 bideratuko dute xede horrekin Gizarte Zerbitzuetara, Kiroletara, Kulturara, Hezkuntzara, etab.era. Bere aburuz, ulertu behar dute Udalerriari edo Udalbatzari berdina zaiola zati bat ikastetxeak garbitzeko eta beste zati bat Abegi etxera, hala nola Adinekoen Egoitzara eta Kiroldegia mantentzeko baliatzea. Errealitatean inporta duena da %20 horrek 800.000.- euro, gutxi gora-bera, suposatzen duela. Eta kopuru horretatik berdina zaie ikastetxeak garbitzeko kontutik edo Adinekoen Egoitza kudeatzetik aurrezten badute. Edonola ere -dio-, bi gai horiek aukeratu zirenez, zegokien batzordeetara eraman dituzte, hau da, Hezkuntza eta Gizarte Zerbitzuetara. Hala ere, uste du, soilik ohiko gastua kitatu nahi zelako, hor eztabaida gutxi eman zitekeela. Gainontzeko proiektuei dagokionez, berriz, nahiz eta nahiko ohituta dagoen antzeko gauzak entzutera, ez dator bat ez dela eztabaidarik izan eta alternatibak ez direla ikusi esaten dutenekin. Horrela, Ezker Batua-Berdeak-eko ordezkariak esaten zuen ez direla oposizioaren proposamenak zabaldu ere egin, baina berak esana zion ez zuela banatu erregistroan sarrera emandako inprimaki ofiziala,

hain justu alde zurretik berak (EB-B) eman zielako talde guztiei. Atxiki gabeko zinegotzien proposamenari dagokionez, oster, batzordean esan zuen ez zekiela egin zutenik ere, eta halaxe uste zuen batzordea amaitu eta bere bulegora iritsi zen arte. Beraz, bada, azken egunean eman baldin bazioten sarrera, alde zurretik ikustea ezinezkoa zen, gaineratu du. Edonola ere, batzordean aitatu zuen moduan, berak ez du esan proiektu horiek baliorik ez dutenik. Bakarrik esan du 3.328.000 euroekin kontua amaitzen dela. Ez dago gehiago, oxala balego bikoitza, gaineratu du. Gauzak horrela, lehentasunak ipini behar zituzten, eta ados dago batzuek gauza batzuei emango dietela, eta besteek, besteei. Hala ere, norbaitek esan ahal dezake aurkezturiko proiektuak ez direla bidezkoak, ez direla onak, ez direla beharrezkoak, baldintzaren bat ez dutela betetzen, galdetu du. Esaterako, bi kaletan dena jaso behar da ur-zikinen eta edangarrien hoditeria ipini behar delako. Gero, jakina, alde batetik gutxiago kutsatu, eta bestetik, ur gehiago aurreztuko dute. Kiroldegiko hormaren kontua, aldiz, nahi gabe etorritakoa da. Ez du gogoratzen Beraungo atletismo pista konpontzerakoan edo pilotalekuaren itxitura egiten ari zirela gertatu zen, baina, edonola ere, zortea izan zuten garaiz antzeman ziotelako alde batetik, eta bestetik, diru pila kostako delako, eta horregatik, aitatu zerrendan sartzea lortu zutelako. Iztieta kontrolatzeko

kamaren aferan, berriz, bertako biztanleriaren zati batek erreklamatzeko dituzte, hain zuzen, kale bakoitzean zer gertatzen den ikusteko. Parke kaleari dagokionez, oster, bere ustez lehentasunak inguru hori urbanizatzekoak dira -bizi guztian horrela dagoelako- eta oztopoak kentzekoak. Auzo Elkartearen lokalean, elkarte berarekin eta bertaratu ziren hainbat bizilagunekin eztabaidaturiko proiektua da, esan du. Bertan alternatiba ezberdinak ikusten aritu ziren, une hartan pilotalekua ere jasotzen zen, baina ikusmira-inpaktua izugarria zelako, bazen atzera botatzen zuenik, gaineratu du. Eta, berriro dio, udal aurrekontuari eragiten dioena inguru hori berrurbanizatzea dela eta mugikortasuna errazteko bitartekoak jartzea. Kasu honetan, igogailua, teknikariek halaxe aholkatzen dutelako, esan du. Bizilagun zenbaitek uhal-garraiatazaileak jartzeko eskaera egin zuen, baina holako desnibelak izanik ezinezkoa da hori jartzea, esan du. Beste batzuek eskailerak eskatzen dituzte, baina horiek ere ez dira batere gomendagarriak akats gehiago izaten dituztelako, besteak beste, jendeak kaltetu ditzan erraza izaten dutelako, eta zailagoa delako bertan barrena ibiltzea gurpildun aulkiak, haur-aulkiak, muletak dituzten pertsonak, erosketako orgatxoak eta beste arrazoi askorengatik. Eskarmentua dute Kaputxinoetan eta Fanderia-Agustinetan jazotakoarekin eta horiek erakutsi die aukerarik onena, zalantzarik gabe, igogailuarena dela. Hori eztabaidatzen aritu dira, gutxienez, duela lau urtez gero. Bilerak egin dituzte, gaurko osoko bilkurara etorri diren bezala, bizilagunak etorri dira, etab. Era berean -dio-, hor dago garaje-proiektua, bere aburuz besteak baino lehentasun gutxiago du, eta horregatik beste atal

batean dago sartuta, baina proiektua ehuneko ehunean subentzionatuta dagoelako, horri esker, gauzatuko dute. Horrez gain, ea Barandiaran parkea sar zezaketen ikusten ibili ziren, baina ez zuten denborarik aski, besteak beste, lurra aztertu eta garbitubehar delako. Horrez gain, baimena eskatu eta estalita dagoen erreka agerian utzi behar dute. Eta bestalde, badago proiektu bat horrerako, baina ikusi dute hark ez zuela aurreikusten, euren ustez, interesgarriak izan litezkeen ertz batean garajeak, etab. egiteko aukera. Laguntzak emateko asmoa zegoela jakin zutenean teknikariei galdetu zieten, baina denborarik ez zegoela ohartu ziren. Inola ere txarrak ez ziren proposamen gehiago ere egin dira, baina, berriro dio, aukeraketa bat egin behar zutela.

* Jendartean zegoen pertsona batek adierazi du bizilagunek nahiago dutela igogailuak baino zintak edo arranpa mekanikoak ipintzea.

* Merino alkate jaunak (Socialistas Vascos-Euskal Sozialistak), ikamikan hasteko gogorik gabe, esan nahi dio toki horretan, dauden desnibelak kontuan hartuta, arranpa mekanikoa jartzea pentsa ezina dela, izan ere, eskalatzeko piolet bat erabili beharko baitzuketen. Teknika aldetik ipintzea ezinezkoa da, hain zuzen fisika den bezalako delako eta uhalgarriatzaileak ezin direlako jarri. Bizilagunei eskaileak hobeto iruditzen bazaizkie, libre dira nahi dutena pentsatzeko, baina teknikariei galdetuz gero, horiek esaten dute eskaileak toki batzuetarako gomendagarriak direla baina beste batzuetako ez. Eta teknikariak entzunda gero, bera lasai dago ordura arte martxan dituztenetik jasotako esperientziek halaxe erakusten dietelako. Hots, ez dute kexa bakar bat ere, eta hori, hasiera batean zenbait bizilagun, euren etxeetatik oso hurbil zegoelako, soinua egingo zuela, etab. engatik, kexatzen bazen ere.

* jendartean zegoen pertsona batek adierazi du aurreko osoko bilkurara etorri zirela eta Alkateak bizilagunekin hitz egingo zuela esan ziela. Alabaina, ez da elkartu eta eurek aste honetan bertan ikusi dute nola izango den pilotalekuaren proiektua. Ez dute bizilagunekin hitz egin eta hauek zera eskatzen dute: Irun, Donostia, Andoain, Eibar bezalako herrietan, PSEk gobernatuak, eskaileak eta arranpa mekanikoak baldin badaude, zergatik hemen ez.

* Ferradas jaunak (Ezker Batua-Berdeak), jarduteko moduari dagokionez, adierazi du gauzak egiteko bi era daudela: bat, proiektuak definituak, pentsatuak eta idatziak edukitzea, baita EAOean dekretua argitara eman aurretik ere. Eta bestea, kolektibo ezberdinetako bizilagunen parte-hartzea nahi izatea, hain zuzen, plan berri horri proiektuak aportatzeko. Zeren proposamenean jasotako oinarritzkoa, ohiko gastua kenduta, hirigintza ingurukoa delako. Eta dekretua irakurtzen bada, ikus

dezakete sar zitzaketela Gobernu Taldeak edo Alkate jaunak kontuan hartu gabeko jarduketak. Beretzat oso oinarritzkoa bada ere, baina seguru dago, herri honetako elkarteak Udalarengandik ez dutela jakin plan berri honi hainbat ekarpen egin ziezaioketela. Bere iritziz, jarduteko moduak daude eta, argi eta garbi dago elkarrekin ez bada egiten, oposizioko taldeekin ere ez dela egiten, esan du. Gobernu Taldeak ez du inolako interesik izan, ezta Alkate jaunak ere, herritarrek zer pentsatzen zuten eta zerbait aporta zezaketen jakiteko, gaineratu du. Hori horrela, eta proiektuen artean Alkateak Iztietako kamerak aitatu dituzenez, bere aburuz, han ematen diren arazoak kamerak ipinita konponduko direla norbaitek uste badu, ederki dago, nabarmendu du. Hori, besteak beste, Auzo Elkarteak berak ez duelako uste Iztietako arazoak polizia edo errepresio bidez konponduko direnik.

* Merino alkate jaunak (Socialistas Vascos-Euskal Sozialistak) uste du duela hil bat baino gehiago bozeramaile guztiei proiektuak eman zizkietela, besterik da gero horiekin zer egin duten, esan du. Zin egingo luke duela hil bat baino gehiago zerrenda hori eman ziela. Bertan, eguzki-panelak, telefono-zentrala eta beste gauza asko azaltzen ziren. Berari gustatuko litzaiokeen, oposizioak aukeraturikoen gain, gauza horiek guztiek sartzea, baina, berriro dio, lehentasun kontua dela. Lehen mintzatu den batek diru hori auzoka banatu beharko litzakeela esan du, ba, hori ere aurreikusi dutela, gaineratu du. Zeren eta, deskuidatuta ez badago, aurreko planean proiekturik gabe geratu zen auzo bakarra Kaputxinoetako izan zen, eta horregatik sartu dute orain Manuel Zamarreño parkea ingurumen aldetik eraberritzea. Beste lekuetan -dio- ere, esaterako, Galtzarabordan ez zen gauza askorik egin, eta orain, horregatik egingo dute han igogailua jartzeko plana. Berak ulertu eta onartzen du norbaitek beste proiektu batzuek nahi izatea, eta, berriro dio, bera ez dagoela gainontzeko proiektuen aurka, kontua da denak ezin direla sartu. Bera pozik egongo litzateke gutxienez milioi bat euro eguzki-plaketan gastatu ahalko balute, ingurumen aldetik ona delako eta onuraren bat ekarriko zukeelako, baina ezinezkoa da, ez dago gehiago, esan du. Eta, berriro dio, Beraungo pilotalekuan bostehun mila euro derrigor gastatu behar izateak, baldintzatzen du beste gauzetara bideratu beharrekoa. Eta, errepikatu du, oposizioak bazuela Gobernu Taldeak zein proiekturi ematen zion lehentasunari buruzko informazioa.

* Murua jaunak (atxiki gabeko zinegotzia) adierazi du finantzazioa aitzakia bat izan litekeela, baina ez dela baliagarria. Izan ere, Espainiar Estatuak programa mota hauek sustatzeko milaka milioi gastatuta ere, denek ikusi dute zer nolako ondorioak ekarri dituen. Zeren eta, denek ikus baitezakete prentsan Espainia dela ekonomia arloan Europa osoan okerren dagoen estatua, eta horrek, eraginaren bat izan dezakeela uste du. Alabaina, Espainiar Estatuak programa mota hauek sustatzeko diru asko

jarrita ere, zoritxarrez, herri honetan ez litzateke, oro har, oposizioak aurkezturiko proiektu bakar bat ere, nahiz eta txikia izan, jasoko. EAJko ordezkariak keinu antzeko bat egin du, non "hauxe tokatzen da" edo esan nahi izan baituen, baina ez dezatela esan kontsentsua bilatzen dutela, bere lagunak esan duen moduan, denek norabide berean arraunean egiteko. Bere iritziz ez dago borondaterik, eta milioi gehiago izan balira, Alkateak lehenengo proposamenean aurkeztu zituzten proiektu guztiak sartuko zituzkeen. Eta oraindik gehiago izango balira, sakelatik beste hainbeste aterako zituzketen, gaineratu du. Azken finean, arazoa da Gobernu Taldeak beldur izugarria diola oposizioak eta giza-eragileek, baldintza minimoetan, Udalaren kudeaketan parte hartzeari, nahiz eta denek esaten duten herritarrengandik hurbilen dagoen erakundea dela. Gainera, hori, bere irudipena izateaz landa, herritar eta giza-agente askorekin froga dezakete. Hau da, erakunde hau ez dago herritarrengandik batere hurbil, nabarmendu du. Argi eta garbi dago, zentzu horretan, denek dituztela euren proiektuak, eta esan beharko zuketen programa horiekin, bi urtez, hamaika milioi euro jaso direla. Eta zuek, Gobernu Taldekook, Ezker Batuak zioen bezala, zuen proiektuak inposatuko dituzue botoak direla medio. Argi dago, zilegi dela botoak dituzuelako, baina, bere irudiko, adibide argia da beldur horren adierazle bat dela baztertuta geratzen direla bai oposizioa, bai herri honetako giza-agente guztiak. Berari anekdotikoa iruditzen zaio Alkateak esatea Iztietan badaudela zenbait bizilagun eskatzen dutenak. Haatik, berak esan behar du Pontikan ez bizilagun batzuk, baizik eta gehien-gehienak -bere lagunak esan duen moduan- hamar urte daramatela eskaka. Beretzat kasu horretan argudio horrek ez du balio eta baztertu egiten du. Bere aburuz, argudioak bi aldeek dituzte, baina, berriro dio, kontsentsua bilatzeko borondaterik ez dutela besteek.

* Merino alkate jaunak (Socialistas Vascos-Euskal Sozialistak) adierazi du, lehen esan duen moduan, bere lehenengo proposamena Barandiaran parkekoa izan zen. Gero, ikusi dute oposizioko talderen batek hori lehentasun gisa planteatzen zuela. Sinets diezaiokete proposamenean artean hori izan zela lehenengo egin zuena. Horrela, hasiera batean balioko zuela pentsatu zuen, baina gero, lehen aitatu dituen tatxa guztiak jarri zizkioten mahai gainean. Lehenengoa izan zen, aspaldi samarretik zain dagoen proiektua delako, gaineratu du. Oposizioak egin zuen beste proposamen bat ikastetxe bateko patioa hein batean estaltzekoa izan zen, baina, kasualitatez edo, beste ikastetxe bateko patioaren zati bat estaltzekoa sartu dute. Kasualitatez dio izenarekin ados jarri ez direlako, baina, uste du, adierazgarria izan daitekeela, aurrez hitz egin gabe, biek ikastetxeko patioa hein batean estaltzea pentsatu izana. Kamerei dagokionez, berriz, bere iritziz, ez du soilik bizilagunen eskaria asetzen, baita trafikoa kontrolatzeko elementuak -ito hidraulikoak etengabe era

bandalikoan atakatzen dituztelako- zaintzeko beharra ere. Zoritxarrez -dio-, itoak teknika aldetik oso onak badira ere, mekanika aldetik oso hauskorrak dira, eta ikusten ari dira nahita, bandalikoki, hausten dituztela. Gero, hausten duen harroputza lasai asko joaten den bitartean, konpontzea diru dezente kostatzen da. Bestalde, uste du oposizioak eta bizilagunek Galtzaraborda etorbideko afera planteatu beharko zukeela, zeren eta, mekanismo edo erreminten inguruan aldeak izango dituzte, baina txukuntzeko, urbanizatzeko eta oztupoak kentzeko beharra zegoela ez dago ukatzerik. Besterik da -dio- norbaitek beste herrietan dauden irtenbideak jarri nahi izatea, nahiz eta horiek Erreterian jartzeko ez izan egokiak. Eurek, horien ordeztu, igogailuen hautua egin dute, beti ere ikusirik, ordura arte duten esperientzia, hobe baina hobeagoa izan dela.

* Peña andreak (EAJ/PNV) adierazi du, soilik forma kontuengatik, Murua jaunari (atxiki gabeko zinegotzia) esan nahi dio bere gorputz-hizkerarekin ez duela, inola ere, lehen hark esandakoa adierazi nahi izan. Bere aburuz Murua jauna bere lengoaia interpretatzeko garaian tronpatu da. Libre da nahi duena interpretatu eta nahi duena esateko, baina eskatuko lioke bera ez baliatzeko bere digresioa egiteko orduan, eta halaxe nahi du aktan jasotzea. Bera behartuta dago aipamen hori egitera, bestela hura egia dela onartuko lukeelako eta hori ez delako bere jarrera. Uste du hein batean bederen, ezagutzen dutela, eta jakina, ez dago prest hori horrela uzteko.

Mintzaldiak amaitutakoan.

Udalbatzak, gehiengoz, aldeko 13 botorekin (Socialistas Vascos-Euskal Sozialistak, EAJ/PNV, Alkarbide, PP), 5 boto aurka (atxiki gabeko zinegotziak) eta 2 abstentzioz (Ezker Batua-Berdeak),

E R A B A K I D U

1. Onartzea jarraian adieraziko den obra-proiektu eta gizarte izaerako ekintzen zerrenda Tokiko Enplegu eta Iraunkortasuna sustatzeko Estatuko Diru-funtsan sartzeko.

OBRA PROIEKTUAK

01 Proiektua: Parke kalea urbanizatzea, irisgarritasuna eta hiri igogailuak sustatzeko jarduketak burutzeko - 10/01 EU: Frontoia - 10 Area: Galtzaraborda Mendebaldea. 1.409.547,03 €

02 Proiektua: José Manuel Zamarreño parkea ingurumen aldetik hobetzea eta leheneratzea. 05 Area. Basanoaga - Sorgintxulo eta 04 Area Kaputxinoak.
449.996,45 €

03 Proiektua: Resurrección María Azkue kalea eraberritzea. Azpiegiturak eta trazadura. 18 -32 eta 19 - 39 zenbakien artean. 22 Area. Agustinak.
486.552,24 €

04 Proiektua: Beraungo kirol pisten eta frontoiko estalkiaren eustorma egonkortzea Burutzapen Proiektua. 11 Area. Beraun.

507.844,00 €

05 Proiektua: ibilgailuen trafikoari aplikatzeko CCTV sistema zentralizatua instalatzea. 210.000,00 €

06 Proiektua: Urdaburu kalea eraberritzea. Azpiegiturak. Murumendi kaleko 2zk. eta 4 zk. atzeko aldetik Urdaburu kaleko 29raino. 10 Area. Gatzaraborda Mendebaldea.
208.184,35 €

07 Beraungo kirol pisten eta frontoiko estalkiaren eustorma egonkortzea Burutzapen Proiektuaren proiektu eta Obretako Zuzendaritza idaztea.11 Area. Beraun.

56.346,93 €

Obra proiektuak, guztira:

3.328.471,00 €

GIZARTE EKINTZETAKO PROGRAMAK

01 Gaztelutxo Balio Anitzeko Harrera Zentroaren Kudeaketa Integrala
467.000,00 €

02 Ikastetxe eta haur eskolak garbitzeko programa.
367.203,00

Gizarte ekintzak, guztira:

834.203,00 €

4.- Atxiki gabeko zinegotziek Udalaren Batzorde Berriemaileetan izango duten osaketari egokitzeko proposamena.

Auzitegi Gorenak, EAE-ANV legez kanpo uzteko hasitako prozedura berezia dela eta, 2009ko uztailaren 16an emandako epaia exekutatzeko Autoa agindu zuen. Bertan, besteak beste, udaletan EAE-ANVko zinegotzi hautetsiek eratutako udal taldeak ezabatzea erabakitzen da, eta aurrerantzean udalerrietako udalbatzetan atxiki gabeko partaideak izatera pasako direla.

Errenteriako Udalak jakin zuen, 2009ko urriaren 30ean eginiko osoko bilkuran, Alkatetzak, aurrekoa betez, dekretu eman zuela Karlos Murua Roma, Itsasne Alvarez de Eulate Lasa, Luis Santiago Angulo Martín, Agustina Ana Cano Cereijo, Iñaki Queral Coira eta Gorka Maudes Migueltoarena zinegotziak Udal honetan atxiki gabeko zinegotziak izatera pasatzeko.

Aurrekoaren ondorioz, zinegotzi hauen udal jarduera arautu beharra dago, baina indarrean dagoen Araudi Organikoak ezer ez du esaten gai horri buruz, eta berria aztertze eta eztabaida prozesuan dago.

TAOALren 20.1.c artikulua azken zatian zera dio: "Udalbatza osatzen duten talde politiko guztiek izango dute aipatutako organoetan parte hartzeko eskubidea, taldeotako zinegotziak organo horietan egonda, osoko bilkuran duten zinegotzi-kopuruaren arabera". Gauza bera gertatzen da AJAren 125. artikulua b eta c ataletan, zeinak udal talde politikoak ordezkartzaren baitan osatu behar direla baitio. Hori horrela, badirudi ondorioztatu litekeela udal batzordeetako eskubidedun osoko partaidea izateko udal taldeei erreserbatuak dagoela. Aitzitik, jurisprudentziak, batez ere Konstituzionalarenak, arau nagusi gisa onartzen ari da, afera publikoei buruzko erabakiak hartu aurretik aztertu eta analizatzearen batzordeetan parte-hartzea Espainiako Konstituzioaren 23. artikuluan errekonozitutako eskubidearen funtsezko atal modura. Ildo horri jarraiki, Auzitegi Konstituzionalak 2009ko uztailaren 9an emaniko 169/2009 zk.ko erabakian, onartzen du errekurtsogileen babesak eta hautetsi guztiek batzorde berriemailetan parte hartzeko eta bozkatzeko eskubidea dutela dio. Eta eragina du hautetsi-kargua (kasu honetan zinegotzi) berari Espainiako Konstituzioaren 23. artikulua ematen dizkion ordezkartzaren eginkizunetan.

Bestalde, epai horretan bertan nabarmentzen da "atxiki gabeko"ek batzordeetan izan behar duten proportzionaltasuna eta determinatzen duen Udalbatzaren antolaketa eta funtzionamendua arautzen duten arauen bidez, edo TAOALren 73.3 artikulua xedatzen duena bide dela bidezkoak diren antolaketa-ebazpenak hartu behar direla, hain zuzen, atxiki gabeko zinegotziak batzorde berriemailetan parte hartzeko eta bozkatzeko duten eskubidea, eta gisa horretan, goian aipaturiko proportzionaltasuna ez aldatzeko".

Kontu-hartzaileak 2009ko abenduaren 9an gaiari buruzko txostena egin du.

Aurrekoaren ondorioz, eta Araudi Organiko berriaren bidez gaiari buruz arautzen denaren baitan,

Lehendakaritza batzordeak proposatuta, Udalako Idazkariaren oneritzia eman ondoren.

Mintzatu dira:

* Murua jaunak (atxiki gabeko zinegotzia) adierazi du proposamen horrekin zinegotzi guztiek dituzten eskubideak bermatzeko urrats bat ematen dela, eta horrekin denek pozik egon beharko luketela. Dena den, bere aburuz, zinegotzi guztiak baldintza berdinetan aritzeko behar diren beste neurriak ere hartzeko premia dagoenez, eta hortaz denek ardura dutenez, eskatzen dute urrats horiek ahalik eta azkarren emateko.

* Merino alkate jaunak (Socialistas Vascos-Euskal Sozialistak) adierazi du berak itxaroten duela Udalbatzera ekarri den proposamenak lagunduko duela behin-behinekotasun egoera horretatik denek bereganatuta duten bestera ahalik eta azkarren igarotzeko.

Mintzaldiak amaitutakoan.

Udalbatzak, aho batez,

E R A B A K I D U

1. Udalaren Batzorde Berriemaileak ondorengo eran osaturik egongo dira:

Ogasuna, Lehendakaritza eta Barne-antolaketa, Kultura, Hirigintza, Gizarte Zerbitzuak batzordeetan:

- Socialistas Vascos-Euskal Sozialistak taldeak	3
- EAJ-PNV taldeak	1
- Ezker Batua-Berdeak taldeak	1
- PP taldeak	1
- Alkarbide taldeak	1
- Atxiki gabekoak	3

Trafikoa eta Garraioa, Hezkuntza eta Gazteria, Mendi eta Ingurumena, Euskara batzordeetan:

- Socialistas Vascos-Euskal Sozialistak taldeak 3
- EAJ-PNV taldeak 1
- Ezker Batua-Berdeak taldeak 1
- PP taldeak 1
- Alkarbide taldeak 1
- Atxiki gabekoak 2

Kontuen Batzorde Berezian: talde bakoitzeko partaide bat eta atxiki gabeko zinegotzi bat.

2. Eskatzea Murua, Alvarez de Eulate, Angulo, Cano, Queralt eta Maudes jaun-andreei Udaleko Idazkariari jakinaraz diezaioten aurreko irizpidearen arabera egingo duten banaketa.

3. Atxiki gabeko zinegotziek euren jarduna egin ahal izateko beharrezko azpiegitura-materiala edukiko dute.

5.- EAEko Administrazioa eta Errenteriako Udalaren arteko lankidetzaren hitzarmena, CEP Pio Baroja LHI ikastetxe publikoa zegoen eraikina beste erabilera, zerbitzu eta xede batzuetarako erabiltzekoa, onartzeko proposamena

2008ko urriaren 31n, Udalbatzaren Osoko Bilkurak, besteak beste, ondorengo akordioa hartu zuen:

"BAIMENA ESKATZEA Eusko Jaurlaritzako Hezkuntza, Unibertsitate eta Ikerketa Sailari, Urdaburu kaleko Pio Baroja ikastetxe publikoa zegoen eraikineko instalazioak, jarduera soziokulturaletarako eta gazteen jardueretarako erabiltzeko - 5 urtez, gutxi gorabehera -, hain zuzen ere, eskola erabilerarako beharrezkoak ez diren bitartean".

Hezkuntzako Lurralde Ordezkaritzak erabakitakoaren arabera, Hezkuntza, Unibertsitate eta Ikerketa Saila eta Errenteriako Udalaren artean lankidetzaren hitzarmena sinatzea da eraikin hori beste gauza, zerbitzu eta xede batzuetarako erabiltzeko eskaerari erantzuteko tresna juridikorik egokiena.

2009ko abenduaren 2an bidali da EAEko Administrazioa eta Errenteriako Udalaren arteko lankidetzaren hitzarmena, hots, Pio Baroja LHI ikastetxeari beste erabilera eta zerbitzu batzuetarako erabiltzeko.

Espedientearekin batera bidali da Kontratazio Saileko teknikariak eta Kultura, Hezkuntza eta Gazteria Saileko teknikariak, 2009ko azaroaren 26an emandako txosten bateratua.

Hezkuntza eta Gazteria batzordearen proposamena ikusitakoan.

Mintzatu dira:

* Angulo jaunak (atxiki gabeko zinegotzia) adierazi du euren jarreraren berri Hezkuntza batzordean eman zutela. Alabaina, eurek horrelako eraikinak herritarrentzako erabilera egokia ematearen aurka ez badira ere, euren aburuz, herri honek beste behar batzuek ere baditu. Esaterako: urtero herrian 300 ume inguru jaiotzen dira. Beraz, 2 urtetan 600 bat ume izaten dira, eta horientzako 0-1 haurreskola-eskaintza, gutxi gora-behera, 70 plaza izaten dira, %12 inguru. Orduan, eurek uste dute Udalak eskaintza hori zabaldu beharko lukeela, eta ikusita hezkuntza menpeko eraikin bat dela, hor beste haurreskola bat, gutxienez eraikinaren zati bat baliatuz, egin beharko litzakeela pentsatzen dute. Horregatik, iruditzen zaie proposamen honekin aukera bat galtzen dela, hezkuntzako eraikinak lehenik hezkuntzarako izan beharko luketela, nahiz eta, bestea ere ez duten gaizki ikusten. Ondorioz, bozkatzeko garaian abstenituko dira.

* Merino alkate jaunak (Socialistas Vascos-Euskal Sozialistak) lehenik eta behin esan behar du bi eraikin direla, hots, haurreskola zena eta jangela, zeina, bere ustez, Galtzarabordako Erretiratuentzako Elkartea izateko egokia baita. Izan ere, berak dakienez, hori baita prekarioan dagoen bakarra. Horrela, gainontzeko Erretiratuen Elkarteak nahiko duinak badira ere -ez dute ahaztu behar, esaterako, Olibetekoan 500.000 euro inbertitu dituztela-, Galtzarabordakoa ez zen, nahiz eta, bere garaian, bizilagunekin negoziatzen saiatu ziren eta akordio batera iritsi ez. Orain proposatzen den lokalak 160 metro karratu ditu eta uste du oso ondo etorriko zaiela albait lehen egin asmo dituzten egokitze-lan txiki batzuek egin ondoren. Gogorarazi nahi du ikastetxeari ematen zaion erabilera bat, berez haurreskolarena ez bada ere, eduki aldetik hala dela. Izan ere, Oarsoaldeak baliatzen baitu birgizarteratze-programa, etab.etan dauden emakumeen umeak jasotzeko. Beraz, bada, atxiki gabeko zinegotziak aitatzen duenetik zati bat burutzen da bertan. Hau da, hezkuntza-sistemaz hitz egingo balute, arautu gabeko irakaskintza deituko liokete. Uste du eurek arautu gabeko haurtzaindegia dei diezaioketela, nahiz eta horrekin ez duen esan nahi legez kanpokoa edo horrelako zerbait denik. Zergatik ez dagoen arautua. Ba, esaterako, ez dituelako hartzen zero-bi urteko haurrak, handiagoak baizik. Eta haurra ezin baldin badute eraman, bizilekura joateko zerbitzua dago, bertan, beharra izanez gero, haurra eta amari kasu egiteko.

Mintzaldiak amaitutakoan.

Udalbatzak, gehiengoz, aldeko 15 botorekin (Socialistas Vascos-Euskal Sozialistak, EAJ/PNV, Alkarbide, PP, Ezker Batua-Berdeak) eta 5 abstentzios (atxiki gabeko zinegotziak),

E R A B A K I D U

1. Onespena ematea lankidetzaz hitzarmenari. Hitzarmen hori Eusko Autonomia Erkidegoko Administrazioa eta Errenteriako Udalaren artean sinatuko da unibertsitateaz kanpoko CEP Pio Baroja IHI ikastetxe publikoa zegoen eraikina beste erabilera, zerbitzu eta xedeetarako erabiltzeko. Hitzarmena proposamen honekin batera bidali da eranskin moduan (I Eranskina).

2. Alkateari baimena ematea hitzarmen hori eta akordio hori gauzatzeko beharrezkoa diren gainerako dokumentuak sinatzeko.

3.- Akordio honen berri ematea Eusko Jaurlaritzako Hezkuntza, Unibertsitate eta Ikerketa Sailari zein Udaleko Kontratazio eta Ondare Sailari.

Jarraian,

Mintzatu dira:

* Merino alkate jaunak (Socialistas Vascos-Euskal Sozialistak) adierazi du azken orduan berak eginiko mozio bat banatu duela, hain zuzen, EAJ/PNVko zinegotzi Maite Peña Lopez andrea, KUTXAKo Kontseilari Orokorrak hautatzeko prozesua hasten denerako, Errenteriako Udaleko ordezkari izendatzeko proposamena eginez. Horrela, bestetan gertatu ohi denez, hots, KUTXAKo agintaldiak ez direlako Udal Hauteskondeekin batera egiten, desfaseak ematen dira. Eta gai honek beste gauza batzuk egiten harrapa ez ditzan, mozioan adierazten duena onar dezaten proposatzen du. Izan ere, berak mozioa aurkezteko ahalmena du, eta gainontzekoek, berriz, alde edo aurka azaltzeko. Berak ez daki hauteskunde horiek zehatz-mehatz noiz egingo diren, baina uste du garaiz ibiltzea bere betebeharra dela.

* Ferradas jaunak (Ezker Batua-Berdeak) adierazi du eurek aldeko botoa emango dutela, baina hori gehiago da proposatu den pertsonari dioten begiruneagatik, Alkate jaunak aitatu berri duen premiatasunagatik baino, izan ere, haren ustez, ez baitu batere presarik. Bere iritziz nahiko denbora zeukaten izendapen hau osoko bilkura baino lehen jakinarazteko eta mota honetako gaiak presaz ez tramitatuzko. Gainera, bere aburuz, tipo

honetako metodoa baliatuz, ez diete batere mesederik egiten proposaturiko pertsonari.

* Murua jaunak (atxiki gabeko zinegotzia) adierazi du premiazko prozedura baliatzeko alde aurretik nolabait justifikatu behar dela, eta uste dute une horretan justifikazio horrenik ez dela existitzen. Ez dakite honi buruz Idazkariak zerbait esan beharko zukeen, baina eurentzat argi dago premiarik ez dagoela.

* Merino alkate jaunak (Socialistas Vascos-Euskal Sozialistak) lehenik eskerrak eman dizkio Ferradas jaunari (Ezker Batua-Berdeak) kontua konprenitzeagatik. Bigarrenez, esan nahi du presa gutiagorekin gaiak hara eramán izan dituztela, baita onartu ere. Uste du denek horretaz jabetuta egongo direla. Bere aburuz, premiazko aitorpena kontu lauso samarra da, zeren eta, zein da premia, nolakoa, noraino, galdetu du. Eta, berriro dio, ez duela batere lotsarik sentitzen gai hori premiazko gisa aurkezteko, izan ere, bere irudiko, beste noizbait beste gaiak presaz ikusteko bozkatu izan duelako.

* Queralt jaunak (atxiki gabeko zinegotzia) adierazi du premiasuna baloratzen hasi gabe, gustatuko litzaiokeela argitzea, ea zein den benetako prozedura hautagai hori onartzeko. Bere iritziz, logikoena izango litzateke hautagaiak aurkeztu ahal izateko epe bat irekitzea. Izan ere, pentsatzen du iritzi ezberdinak egongo direla, talde diferenteak, eta behin hautagaiak ezagutzera emandakoan, horien artean aukeratuko zuketén beste gaiekin egiten duten moduan. Orain, har ezazue edo utzi, beste alternatibarik gabe egitea, ez zaie hautaketa egiteko modurik egokiena iruditzen.

* Merino alkate jaunak (Socialistas Vascos-Euskal Sozialistak) adierazi du udal organoetako (Añarbeko urak, San Marko mankomunitatea, kasu honetan Kutxa, etab) izendapenak Alkateak egiten dituela, eta gero, besteek onartu edo errefusatu. Kasu honetan, lehen "Zapatero Plana 2"-rekin gertatu den moduan, batzordetik pasa ez delako, eta Gai Zerrendan ez zegoelako sartuta, premiazko gai gisa aurkeztu du. Gainontzerakoan, errepikatzen du, proposamenak Alkateak ekartzen ditu, gero onartuak edo errefusatuak izango direnak.

Mintzaldiak amaitutakoan.

Alkateak proposatuta.

Aldez aurretik, zegokion batzordeak irizpenik eman ez duelako, gehiengoz, aldeko 15 botorekin (Socialistas Vascos-Euskal Sozialistak,

EAJ/PNV, Alkarbide, PP, Ezker Batua-Berdeak) eta 5 abstentzios (atxiki gabeko zinegotziak), erabaki dute

ondoko gaia ikustea:

6. Alkatetzaren mozioa, Maite Peña López andrea Kutxako kontseilaria izendatzeko proposatzen duena.

Idazkariak ondoko mozioa irakurri du:

"Honen bidez proposatzen dut EAJ/PNVko zinegotzi Maite Peña Lopez andrea izendatzea Errenteriako Udaleko kontseilari-ordezkaria aurki hasiko den KUTXAKo Kontseilari Orokorrak hautatzeko prozesuan".

Ondoren, mintzatu dira:

* Murua jaunak (atxiki gabeko zinegotzia) adierazi du eurei gustatuko litzaiekeela beste proposamen bat edukitzea, bere aldean dauden zinegotzien interesak ordezkari zezakeen bat hain zuzen ere. Eta hori zergatik? Ba, Udala erakunde askotan (kakotx artean) ordezkari dagoelako eta ordezkari hori Gobernu Taldeak monopolizatuta duelako. Kasu hau, nolabait, uler zezaketen, baina ez dute ulertzen monopolizazio hori gardentasun ezeko kontu batean bilakatu izana. Zeren eta, eurek orain jakin baitute Kutxan ordezkari bat dutela. Hainbat urte daramate bertan, eta zinegotzietan, gutxienez euren taldekoei, sekula ez diete eman Kutxako informaziorik, ezta han defendatu dutenari buruzkoa ere. Beraz, bada, bere aburuz, berriro baztertze-kontu baten aurrean daude; ez diete informaziorik ematen. Eta argi eta garbi dago, erakunde horretan jarduten duten ordezkariak, euren alderdia edo Gobernu Taldearen ordezkari gisa jarduten dutela. Gainera, hori ez da soilik Kutxan gertatzen, baita beste erakundeetan ere, nabarmendu du. Horregatik, ezin dute izendapen berririk onartu, hots, informaziorik emango ez diena eta han defendatuko duena Udal honetan –honen izenean joanda– sekulan berretsia izan ez dena.

* Merino alkate jaunak (Socialistas Vascos-Euskal Sozialistak) adierazi du berak beti modu horretan egiten ikusi duela. Orain denek badakite nor izango diren Udalaren ordezkariak Kutxan, osoko bilkura horretan bertan bozkatu dutelako. Une honetan –dio– Acosta jauna (Socialistas Vascos-Euskal Sozialistak) eta Peralta andrea (PP) daude, eta, berriro esan du, osoko bilkuran bozkatu zela, eta udal guztietan gertatzen den moduan, honen izenean eta eskumenez jarduten dute. Ondoren, Murua jaunari (atxiki gabeko zinegotzia), txantxa gisa, Kutxan zer onartzen den jakin nahi badu, bezperatako asanbladatan gertatutakoa prentsan irakurtzea nahikoa duela esan dio.

* Murua jaunak (atxiki gabeko zinegotzia) erantzun du berari gustatuko litzaioke, prentsak esaten duena irakurtzeaz gain, Udalak han zer defendatzen duen jakitea. Zeren eta, azkenean, prentsan Kutxak hartzen dituen erabakiei buruz esaten duena matematika kontu bat baino ez baita, alegia, gehiengoak irabazten du eta kito. Baina berari gustatuko litzaioke jakitea Udalak zer defendatzen duen, erakunde honetako partaide bat delako.

* Ondoren, mikrofonoa itxita hika-mika aritu dira. Jarraian, Merino alkate jaunak (Socialistas Vascos-Euskal Sozialistak), errepikatu du, osoko bilkuran bozkatu zela. Besterik da, lehen esan duen moduan, Kutxako agintaritzaldiak udalekoekin bat ez etortzea, eta honen ondorioz, beharbada, bertan dauden zenbaitek ez zuten jakingo zein diren ordezkariak, baina, berriro dio, orduan zeuden zinegotziek bozkatu zutela.

Mintzaldiak amaitutakoan.

Udalbatzak, gehiengoz, aldeko 13 botorekin (Socialistas Vascos-Euskal Sozialistak, EAJ/PNV, Alkarbide, PP) eta 7 abstentzios (Ezker Batua-Berdeak, atxiki gabeko zinegotziak),

E R A B A K I D U

Onartzea Alkatetzaren mozioa, akordio honen azalpen-zatian jasota geratu dena.

7. Galdera-eskariak.

* Ferradas jaunak (Ezker Batua-Berdeak) esan du oso erantzun errazeko galdera bat egin nahi duela. Hau da: bai edo ez. Ba al du Alkate jaunak Galemys, S.L.k Listorreta parke publikoaren erabileraz eginiko memoriaren berririk?

* Merino alkate jaunak (Socialistas Vascos-Euskal Sozialistak) ezetz erantzun du.

Jarraian.

* Agustina Cano andreak (atxiki gabeko zinegotzia) esan du iraileko Udalbatzarrean gai horri buruzko galdera egin zutela. Hots, PMS-ri (Udalaren lurzoru-ondarea) buruzko txostena egingo zela. Orain, bi hilabete pasa direnez, jakin nahi du ea txostena noizko egongo den egina.

* Merino alkate jaunak (Socialistas Vascos-Euskal Sozialistak) erantzun du ziur aski Hirigintzako teknikariaren baitan egongo dela. Denek badakizue -dio- departamentu hori erren samar geratu dela Enrique Ponteren gaixoaldi-baja luzearekin, gehi lehen Xabier Agirre egon zen zortzi hileko baja-aldiarekin. Orain ere, Vicente Castiella oporretan dago hilaren 28a arte, alabaina uste du kontu hori mahai gainean edukiko duela. Halere, Hirigintzako ordezkariari eskatzen dio kontuan hartzeko eta itzuli bezain laster gogorarazteko.

Ondoren.

* Murua jaunak (atxiki gabeko zinegotzia) esan du lehen ere parte-hartzeaz hitz egin izan dutela. Bere aburuz, Gobernu Talde honi gai honek beldurra ematen dio, baina eurek galdera egin beharrea aurkitzen dira. Izan ere, duela urte bat eta erdi baino gehiago eskaera bat egin zen Hirigintza Aholku Kontseilua biltzeko. Berari lotsa emango lioke hainbeste denboraren buruan hura ez gauzatu izanak. Horregatik, Alkateari eskatzen dio Kontseilu horren bilera ahalik eta azkarren egiteko.

* Merino alkate jaunak (Socialistas Vascos-Euskal Sozialistak) esan du ea erdiesten duten Hirigintza Saila nolabait libratzea. Gainezka eginda daudela konprenitzea nahi du. Lehen, TEEIEDFak zeukan presaz galdetu diotenean, Hirigintzak gai asko dituela burutzeke esaten zuen. Gaur egun hirigintza-garapenik, etab. ez dagoelako motel dabilela pentsa zezaketen, baina ziurtatzen die juxtu kontrakoa gertatzen dela. Gainera, bolada hau aprobetxatzen ari dira lehen tarteka eskapatzen ziren gaiak zorrotz -zentzu onean- kontrolatzeko. Izan ere, ez dute ahaztu behar Torrekuaren aferak, Euskotrenaren geltokia eta beste asko, esaterako, Plan Zapatero I-ek, jarraipen bat egitea exijitzen dutela; obrak bisitatzea; enprekin bilerak egitea, etab. Bere iritziz, Hirigintza Saila lanez gainezka dago, eta, berriro dio, bateren batek ezetz pentsa dezakeela, baina hala dela sinets diezaioten, nahi du. Orobat, aferak hau ere, jakinik egiteke dagoela eta egin behar dela, Hirigintzako ordezkariak kontuan hartzeko esaten dio.

Ondoren,

* Angulo jaunak (atxiki gabeko zinegotzia) esan du Lau Haizeta parkearen inguruan, duela urte eta erdi gutxi gora-behera, Hirigintza batzordeko kideek eskatu zuten Parkearen gauzatze-mailaz txosten bat egiteko. Horregatik, orain Alkate jaunari galdetzen diete ea zertan dagoen txosten hori eta lehenbailehen egiteko.

* Merino alkate jaunak (Socialistas Vascos-Euskal Sozialistak) erantzun du, Enrique Pontek egiteke zeuzkan gaien artean hau zegoela ohartu

dira. Aurreko bi kasuetan esan dien gauza bera esan behar dio orain:
ikusiko dute urte berriarekin gai zenbait mugitzen dituzten, baita hau ere.

Eta aztertu beharreko gai gehiagorik ez zegoenez, Alkateak bilkura
amaitutzat eman du egun bereko 09:50 zirela. Eta aztertutakoa eta
erabakitakoa jasota gera dadin Akta hau egin dut Erkidego Autonomoko paper
ofizialean, _____zenbakitik _____ra, eta nirekin batera Alkateak sinatu du.
Egiaztatzen dut.